



Պարույր Սևակ

Վառարանի առաջ

Իսկ քարածուխը...
Երբ նա վառվում է
Ձմեռվա ցրտին,
Հին վառարանում,
Եվ ձյունն է դրսում կրկնում ինքն իրեն,-
Լինում է այնպես,
Որ՝ մեկ էլ տեսար՝
Մոսափն են լսում ա՛յն անտառների,
Որոնք բյուրհագար տարիներ հետո
Այս քարածուխին պիտի վերածվեն.
Եվ գազանների ոռնոցն են լսում
Այդ անտառների անեզրության մեջ.
Եվ ձայնը նաև
Իմ նախա-նախա-նախապապերի,
Որ որս են անում այդ անտառներում,
Որ մերկանդամ են
Եվ ունեն դեռ պոչ,
Բայց անկարող են այլևքս ապրել
Լռին խավարում կույր անձավների,
Ինչքան էլ դրանք թվան ապահով:
Ու հասկանում են,

Որ սերվել եմ ես

Դե՛ն այն ժամանակ, հե՛նց այն ժամանակ...

15.XII.1959թ.

Երևան